

## 2012 nr. 116 23. nóvember

### Lög um málefni innflytjenda

Tóku gildi 28. nóvember 2012. Breytt með l. 61/2014 (tóku gildi 4. júní 2014).  
Ef í lögum þessum er getið um ráðherra eða ráðuneyti án þess að málefna við sér tilgreint sérstaklega eða til þess vísað, er átt við félags- og húsnaðismálaráðherra eða velferðarráðuneyti sem fer með lög þessi.

#### I. kafli. Markmið.

##### ■ 1. gr. Markmið.

□ Markmið laga þessara er að stuðla að samfélagi þar sem allir geta verið virkir þátttakendur óháð þjóðerni og uppruna. Markmiði þessu skal náð meðal annars með því að:

- a. hagsmunir innflytjenda séu samþættir allri stefnumótum, stjórnsýslu og þjónustu hins opinbera,
- b. stuðla að viðtæku samstarfi og samþættingu aðgerða og verkefna milli allra aðila sem koma að málefnum innflytjenda,
- c. efla fræðslu og miðlun upplýsinga um málefni innflytjenda og samfélag án fordóma,
- d. stuðla að og styðja við rannsóknir og þróunarverkefni í málefnum innflytjenda.

#### II. kafli. Stjórnsýsla.

##### ■ 2. gr. Fjölmennigarsetur.

□ Starfrækja skal sérstaka stofnun, Fjölmennigarsetur, undir yfirstjórn ráðherra.

□ Ráðherra skipar forstöðumann Fjölmennigarseturs til fimm ára í senn.

##### ■ 3. gr. Hlutverk Fjölmennigarseturs.

□ Verkefni Fjölmennigarseturs eru meðal annars að:

- a. veita stjórvöldum, stofnunum, fyrirtækjum, félögum og einstaklingum ráðgjöf og upplýsingar í tengslum við mál-efni innflytjenda,
- b. vera sveitarfélögum til ráðgjafar við að taka á móti innflytendum sem flytjast í sveitarfélagið,
- c. taka saman og miðla upplýsingum um réttindi og skyldur innflytjenda,
- d. fylgjast með þróun innflytjendamála í þjóðfélaginu, meðal annars með upplýsingaöflun, greiningu og upplýsingamiðlun,
- e. koma á framfæri við ráðherra, innflytendaráð og önnur stjórvöld ábendingum og tillögum um aðgerðir sem hafa það að markmiði að allir einstaklingar geti verið virkir þátttakendur í samfélaginu óháð þjóðerni og uppruna,
- f. taka saman árlega skýrslu til ráðherra um málefni innflytjenda,
- g. hafa eftirlit með framgangi verkefna sem fram koma í þingsályktun um framkvæmdaáætlun í málefnum innflytjenda, sbr. 7. gr.,
- h. vinna önnur verkefni í samræmi við markmið laganna og þingsályktun um framkvæmdaáætlun í málefnum innflytjenda og einnig samkvæmt nánari ákvörðun ráðherra.

##### ■ 4. gr. Innflytendaráð.

□ Eftir hverjar alþingiskosningar skipar ráðherra sex manna innflytendaráð. Ráðherra skipar two fulltrúa án tilnefninga, þ.e. formann og einn fulltrúa, og skal að minnsta kosti annar þeirra vera úr hópi innflytjenda. Auk þess skal ráðherra skipa einn fulltrúa samkvæmt tilnefningu frá þeim ráðherra sem

fer með málefni útlendinga, einn fulltrúa samkvæmt tilnefningu frá þeim ráðherra sem fer með fræðslumál, einn fulltrúa samkvæmt tilnefningu frá Sambandi íslenskra sveitarfélaga og einn fulltrúa samkvæmt tilnefningu frá Reykjavíkurborg. Varamenn skulu skipaðir á sama hátt.

□ Komi til atkvæðagreiðslu í innflytendaráði og atkvæði falla jafnt ræður atkvæði formanns.

□ Forstöðumaður Fjölmennigarseturs skal sitja fundi innflytendaráðs með málfrelsi og tillögurétt.

##### ■ 5. gr. Hlutverk innflytendaráðs.

□ Hlutverk innflytendaráðs er að:

- a. vera ráðherra til ráðgjafar við faglega stefnumótun í málefnum innflytjenda og hafa eftirlit með framkvæmd hennar,

- b. stuðla að samhæfingu og samráði milli ráðuneyta, sveitarfélaga og innan stjórnsýslunnar,

- c. stuðla að opnum umræðum um málefni innflytjenda með ráðstefnum og fundum með hagsmunaaðilum,

- d. gera árlega tillögu til ráðherra um hverjar áherslur þró-unarsjóðs innflytjendamála skulu vera,

- e. gera árlega tillögu til ráðherra um veitingu styrkja úr þróunarsjóði innflytjendamála,

- f. skila ráðherra árlega skýrslu um störf sín,

- g. vinna önnur verkefni í samræmi við markmið laganna samkvæmt nánari ákvörðun ráðherra.

##### ■ 6. gr. Próunarsjóður innflytjendamála.

□ Starfrækja skal sjóð er nefnist þróunarsjóður innflytjendamála. Hlutverk sjóðsins skal vera að efla rannsóknir og styðja þróunarverkefni á svíði málefna innflytjenda með það að markmiði að auðvelda innflytendum aðlögun að íslensku samfélagi og gera samfélagini betur kleift að koma til móts við þá. Til sjóðsins renna fjármunir sem veittir eru í fjárlögum hverju sinni.

□ Innflytendaráð gerir árlega tillögu til ráðherra um áherslur þróunarsjóðs innflytjendamála. Jafnframt gerir innflytjendaráð tillögu til ráðherra um úthlutun styrkja og fjárhæð þeirra.

□ Ráðherra er heimilt að setja með reglugerð nánari reglur um starfsemi og skipulag þróunarsjóðs innflytjendamála.

##### ■ 7. gr. Pingsályktun um framkvæmdaáætlun í málefnum innflytjenda.

□ Ráðherra skal leggja fram á Alþingi tillögu til þingsályktunar um framkvæmdaáætlun í málefnum innflytjenda til fjögurra ára í senn að fenginni umsögn annarra ráðuneyta, stofnana, Fjölmennigarseturs og innflytendaráðs.

□ Í tillögu til þingsályktunar skv. 1. mgr. skal kveða á um verkefni sem hafa það að markmiði að stuðla að samfélagi þar sem allir einstaklingar geta verið virkir þátttakendur óháð þjóðerni og uppruna. Framkvæmd, ábyrgð og áætlaður kostnaður verkefna skulu tilgreind í áætluninni ásamt því hvernig mati á árangri aðgerða skuli háttar.

□ Skýrsla ráðherra um stöðu og þróun í málefnum innflytjenda skv. 8. gr. skal fylgja tillögu til þingsályktunar um framkvæmdaáætlun í málefnum innflytjenda skv. 1. mgr.

##### ■ 8. gr. Mat á stöðu og þróun í málefnum innflytjenda.

□ Fjórða hvert ár skal ráðherra leggja fram á Alþingi skýrslu um stöðu og þróun í málefnum innflytjenda. Í skýrslu ráðherra skal meðal annars koma fram mat á stöðu og árangri verkefna í gildandi þingsályktun um framkvæmdaáætlun í málefnum innflytjenda á hverjum tíma, sbr. 7. gr., auk umfjöllunar um stöðu og þróun í málefnum innflytjenda á helstu sviðum samfélagsins í samræmi við markmið laganna.

**III. kaffi. Önnur ákvæði.****■ 9. gr. Reglugerðarheimild.**

□ Ráðherra er heimilt að setja reglugerð um nánari framkvæmd laga þessara, svo sem um starfsemi Fjölmenningsarseturs og innflyttjendaráðs.

**■ 10. gr. Gildistaka.**

□ Lög þessi öðlast þegar gildi.

**Ákvæði til bráðabirgða.**

■ I. [Ráðherra er heimilt að setja tímabundið forstöðumann

Fjölmenningsarseturs til 31. desember 2015.]<sup>1)</sup>

<sup>1)</sup> L. 61/2014, I. gr.

■ II. Þegar lög þessi hafa öðlast gildi skal ráðherra skipa nýtt innflyttjendaráð, sbr. 4. gr.

■ III. Þegar lög þessi hafa öðlast gildi skal ráðherra innan árs leggja fram á Alþingi tillögu til þingsályktunar um framkvæmdaætlun í málefnum innflyttjenda, sbr. 7. gr.

■ IV. Þegar lög þessi hafa öðlast gildi skal ráðherra innan sex mánaða leggja fram á Alþingi skýrslu um stöðu og þróun í málefnum innflyttjenda, sbr. 8. gr.